

UMGENNI OG STJÓRNSÝSLA



Akureyrarbær



Akureyrbær

AKUREYRI Í FARARBRODDI

Akureyrbær hefur lengi verið í fararbrotti í umhverfis- og loftslagsmálum á Íslandi. Mikilvægt er að halda áfram að styrkja þá stöðu og ímynd Akureyrar sem bæjarbúar geta verið stoltir af.

Stefnt er að því að Akureyri verði skilgreind sem svæðisborg og hafi þannig svæðisbundið hlutverk sem stærsti þéttbýliskjarninn á landsbyggðinni. Akureyri hefur frumkvæði að samstarfi við önnur sveitarfélög í umhverfis- og loftslagsmálum og styður við vegferð annarra sveitarfélaga eftir bestu getu.

Akureyrbær skal ávallt vera vistvænn í eigin rekstri og stefnir að því að taka Græn skref á öllum starfsstöðvum bæjarins. Hugað skal að því að lágmarka neikvæð umhverfisáhrif við framkvæmdir á vegum bæjarins og skulu byggingarframkvæmdir vera umhverfisvottaðar sé þess kostur.

Innan Akureyrbæjar eru auðlindir nýttar með sjálfbærum hætti, menningarminjar varðveisstnar og heilnæmi umhverfisins varðveisst með hag komandi kynslóða að leiðarljósi.



FALLEGT OG LIFANDI BÆJARLAND

Akureyri er fallegur bær með blómlegu mannlífi. Mikilvægt er að tryggja góða ásýnd bæjarins og halda bæjarlandi, lóðum og athafnasvæðum snyrtilegum. Sveitarfélagið hefur forgöngu um góða umgengni í eigin starfsemi og verkefnum á vegum bæjarins og eflir íbúa, stofnanir og fyrirtæki í bænum til að taka þátt í þeirri vegferð með reglulegu hreinsunarátaki.

Sveitarfélagið gerir kröfu um að verktakar og framkvæmdaraðilar haldi athafna- og framkvæmdasvæðum snyrtilegum og að óhreinindi og mengun berist ekki af þeim svæðum, s.s. með því að setja kvaðir við útgáfu byggingarleyfa. Akureyrbær vekur athygli á góðri umgengni verktaka og veitir árlega viðurkenningu fyrir fyrirmynadarumgengni á verkstað.

Á Akureyri er lögð áhersla á umhverfis- og mannvænt bæjarskipulag með þéttri byggð, líflegum íbúahverfum og umhverfisvænni uppbyggingu. Innan sveitarfélagsins eru umhverfis- og náttúrugæði og menningarsögulegar minjar varðveisittar eftir fremsta megni.





Akureyrbær

FAGLEG STJÓRNSÝSLA Í UMHVERFIS- OG LOFTSLAGSMÁLUM

Lykillinn að árangri umhverfis- og loftslagsstefnu Akureyrbæjar felst í faglegu starfi innan sveitarfélagsins. Í því skyni skal ávallt horft til umhverfis- og loftslagsstefnu bæjarins við ákvarðanatöku og stefnumótun.

Akureyrbær stundar vistvæn innkaup og metur umhverfis- og loftslagsáhrif við útboð og framkvæmd verkefna. Hjá sveitarfélagini fá stjórnendur, kjörnir fulltrúar og starfsmenn reglulega fræðslu um innihald stefnunnar, stöðu aðgerðaráætlunar og það sem er efst á baugi í umhverfis- og loftslagsmálum.

- INNGANGUR
- 1. HREIN ORKA
- 2. BREYTTAR FERÐAVENJUR
- 3. ÚRGANGSAUÐLINDIN
- 4. LOFTGÆÐI OG HEILSA
- 5. NÁTTÚRA OG GRÆN SVÆÐI
- 6. UMGENGNI OG STJÓRNSÝSLA
- HELSTU AÐGERDIR
- TÍMALÍNA GRÆNNNA VERKEFNA

